

RREGULLORE PËR ZGJEDHJET E STUDENTËVE TË UKZ



UNIVERSITETI "KADRI ZEKA" UNIVERSITY

Rr. Zija Shemsiu, 60000, Gjiilan, Kosovë

www.uni-gjilan.net, tel: 0280390112

Ref. Nr. 02/678 Datë. 24 / 03 /2021

Në mbështetje të Nenit 23, pika 1.3 të Statutit të Universitetit Publik "Kadri Zeka" në Gjiilan, Këshilli Drejtues në mbledhjen XXII, të mbajtur më 19.03.2021, miraton këtë:

Rregullore për zgjedhjet e studentëve të UKZ-së

Neni 1

Dispozitat e përgjithshme

Kjo rregullore përcakton procedurën dhe organizimin e zgjedhjeve për anëtarë të Parlamentit të studentëve dhe të këshillave të studentëve të fakulteteve.

Neni 2

1. Studentët e rregullt të studimeve baçelor dhe master kanë të drejtë të themelojnë organizata studentore në kuadër të UKZ-së.
2. Studentëve të studimeve master, u njihet e drejta e votës dhe e drejta në zgjedhjen e organeve përfaqësuese.
3. Secila organizatë studentore duhet të këtë statutin e vet që aprovohet nga anëtarët e saj dhe në pajtim me këtë rregullore.
4. Statuti do të përfshijë parimet për mundësi të barabarta dhe mosdiskriminim.

Neni 3

1. Interesat e studentëve do të përfaqësohen në Universitetin përmes këtyre organeve:

- 1.1. Parlamenti i studentëve në nivel të Universitetit.
- 1.2. Këshillat e studentëve në nivel të secilës njësi akademike.
- 1.3. Interesat e studentëve përfaqësohen edhe në Unionin e Studentëve të Kosovës.

Neni 4

1. Organizatat studentore kanë të drejtë të propozojnë anëtarët për Parlamentin e studentëve dhe këshillat e studentëve të njësive akademike në bazë të rezultateve të zgjedhjeve në çdo dy vjet.
2. Studentët të cilët kanë të përsëritur vite të studimeve nuk mund të kandidohen, përkatësisht të zgjidhen në pozita udhëheqëse studentore në UKZ.
3. Studentët që janë pjesë e organeve drejtuese të partive politike nuk mund të kandidohen në listat zgjedhore të organizatave studentore.

Neni 5

Parlamenti i Studentëve

1. Parlamenti i studentëve është organi më i lartë i përfaqësimit të studentëve.
2. Parlamenti i studentëve zgjedh anëtarin e Senatit nga lista e të propozuarve, e përgatitur nga këshillat e studentëve të secilës njësi akademike, kurse Kryetari i Parlamentit të studentëve është ex-officio anëtar i Senatit.
3. Parlamenti i studentëve duhet të fokusohet në temat si në vijim:
 - Interesat e studentëve në nivel të Universitetit;
 - Angazhimi për cilësinë në mësimdhënie dhe mësimnxënie;
 - Studimet që ndërlidhen me aspektet e reformave të Universitetit dhe zhvillimet akademike;
 - Zhvillimin e cilësisë së të mësuarit dhe të vlerësimit;
 - Bursat universitare;
 - Ndihmat (bursat) sociale;
 - Organizimin e aktiviteteve kulturore e sportive;
 - Çështjet tjera të përgjithshme të interesave të studentëve.
4. Parlamenti i Studentëve merr vendimet si në vijim:
 - Zgjedhjen e një anëtari-student në Senatin e UKZ-së;
 - Zhvillimet e aktiviteteve studentore në kuadër të UKZ-së;
 - Propozimet për Senatin e UKZ-së, në lidhje me çështjet studentore dhe akademike;
 - Propozimet për pjesëmarrje në të gjitha komisionet dhe këshillat e UKZ-së, me ç'rast studentët janë anëtarë sipas Statutit dhe çështjet tjera të ngjashme.

Neni 6

1. Numri i tërësishëm i anëtarëve të Parlamentit të studentëve është nëntë (9).
2. Kandidati për anëtar të Parlamentit studentor duhet të këtë notën mesatare së paku 8.0 dhe të mos jetë përsëritës.
3. Anëtarët e Parlamentit të studentëve do të zgjidhen nga zgjedhjet e përgjithshme të Universitetit, me ç`rast secila organizatë studentore, e cila është çertifikuar për të marrë pjesë në zgjedhje do të bëjë fushatë në bazë të listës së kandidatëve.
4. Ndarja e mandateve për secilën organizatë studentore që bën fushatë, varet nga numri i përgjithshëm i përqindjes së votave që arrihet gjatë zgjedhjeve sipas kësaj rregulloreje.
5. Zgjedhjet e Parlamentit studentor do të udhëhiqen nga Komisioni zgjedhor.

Neni 7

Këshilli i Studentëve

1. Këshillat e studentëve janë organet e përfaqësimit të studentëve në secilën njësi akademike.
2. Secili Këshill i studentëve propozon nga një kandidat për anëtar-studentë të Senatit për t'u zgjedhur nga Parlamenti i studentëve.
3. Kryetari i Këshillit të studentëve është anëtar ex-officio nga numri i përgjithshëm i anëtarëve studentë të Këshillit të fakultetit. Këshilli i studentëve i secilës njësi akademike zgjedh nga një anëtar-studentë të Këshillit të njësisë akademike.
 1. Kandidati për anëtar të Këshillit të fakultetit duhet të këtë notën mesatare së paku 8.0 dhe të mos jetë përsëritës.
4. Secili Këshill i studentëve duhet të fokusohet në temat si në vijim:
 - Interesat e studentëve në nivel të njësisë akademike;
 - Studimet që ndërlidhen me aspektet e reformave të fakultetit dhe zhvillimet akademike;
 - Zhvillimi i cilësisë së mësimit dhe të vlerësimit;
 - Bursat universitare;
 - Ndihmat (bursat) sociale;
 - Çështjet tjera të ngjashme.
5. Secili Këshill i studentëve merr vendime si në vijim:

RREGULLORE PËR ZGJEDHJET E STUDENTËVE TË UKZ

- Përgatitjen e listës së ngushtë për anëtarët- studentë të Senatit;
- Zgjedhjet e anëtarëve- studentëve të këshilleve të fakultetit;
- Zhvillimet e aktiviteteve studentore në kuadër të fakultetit;
- Propozimet për Këshillin e fakultetit, lidhur me çështjet studentore dhe akademike;
- Propozimet për pjesëmarrje në të gjitha komisionet dhe këshillat e fakultetit, me ç`rast studentët janë anëtarë sipas Statutit;
- Çështjet tjera të ngjashme.

Neni 8

1. Numri i përgjithshëm i anëtarëve të secilit Këshill të studentëve është një për qind (1%) i numrit të përgjithshëm të studentëve të rregullt të regjistruar në atë njësi akademike, me më së paku pesë (5) dhe më së shumti njëzet e një (21) anëtarë.
2. Përfaqësimi i studentëve në Këshillin studentor do të jetë në bazë të përqindjes së numrit të studentëve sipas nivelit të studimeve baçelor.
3. Anëtarët e këshillave të studentëve do të zgjidhen individualisht përmes zgjedhjeve në secilën njësi akademike, me ç`rast secila organizatë studentore e pranueshme do të bëjë fushatë në bazë të listës së kandidatëve.
4. Ndarja e mandateve për secilën organizatë studentore që bën fushatë, varet nga totali i përqindjes së votave të arritura gjatë zgjedhjeve sipas kësaj rregulloreje.
5. Zgjedhjet për Këshilla të studentëve do të udhëhiqen nga komisioni përkatës i fakultetit, në bashkëpunim me Komisionin zgjedhor.

Neni 9

Parimet e zgjedhjeve

1. Regjistrimi i organizatave të reja do të bëhet në Ministrinë e Administratës Publike, konform Ligjit Nr.04/L-57 për Lirinë e Asocimit në Organizatat Joqeveritare.
2. (Universiteti "Kadri Zeka" do t'i certifikojë vetëm ato organizata, të cilat do të regjistrohen në kuadër të Universitetit "Kadri Zeka" Gjilan.
3. Në përbërjen e të gjitha strukturave vendimmarrëse duhet të jenë studentë të UKZ-së.
4. Organizatat e themeluara duhet të regjistrohen së paku 3 javë para datës së zgjedhjeve.
5. Organizatat studentore kanë të drejtë të regjistrohen për:

- a. përfaqësim të përgjithshëm të studentëve të Universitetit;
 - b. përfaqësim të studenteve në fakultete individuale.
6. Numri minimal i deklaratave mbështetëse nënshkruese i nevojshëm për organizatat studentore për të arritur pranueshmerinë duhet të përcaktohet sipas rregullave të kësaj rregulloreje.
 7. Organizata studentore për t'u regjistruar duhet t'i sigurojë 150 nënshkrime mbështetëse, kurse 50 nënshkrime për ata që garojnë vetëm për Këshill të fakulteteve.
 8. Në deklaratën mbështetëse duhet të shënohet: Emri dhe mbiemri, Numri i ID-së, Fakulteti, Departamenti dhe nënshkrimi.
 9. Në rast se konstatohen parregullësi në plotësimin e shënimeve Komisioni zgjedhor mund të anulojë regjistrimin e organizatës.
 10. Data kualifikuese për organizatat studentore, për të fituar të drejtën e pjesëmarrjes në zgjedhjet studentore, do të caktohet 15 ditë para ditës së zgjedhjeve.
 11. Procesi i regjistrimit dhe licencimit duhet të përfundojë në atë datë.

Neni 10

1. Anëtarët e Parlamentit të studentëve dhe këshillat e studentëve do të zgjidhen në pajtim me procedurat për zgjedhje parlamentare.
2. Përfaqësimi i studentëve në Parlamentin studentor do të jetë në bazë të përqindjes së numrit të studentëve sipas nivelit të studimeve bachelor.
3. Gjatë zgjedhjeve do të aplikohet sistemi i përfaqësimit proporcional. Kjo siguron që secila organizatë studentore që ka fituar numrin e përgjithshëm të votave mbi pragun përkatës të arritur do të fitojë numrin e ulëseve në proporcion me përqindjen e votave, të cilat ata i kanë marrë.
4. Limiti (pragu) për nominimin e anëtarëve të organizatave studentore duhet të jetë konform Neni 153 të Statutit të UKZ-së, paragrafi 4.1 dhe 4.2:
 - 5% i numrit të përgjithshëm të votave për Parlamentin e studentëve;
 - Për këshillat e fakulteteve të njësive akademike, minimumin prej 3% të numrit të përgjithshëm të votave në nivel të njësive përkatëse akademike.

Neni 11

Mandati i anëtarëve të Parlamentit të studentëve dhe i Këshillit të studentëve të njësive akademike zgjat 2 vjet pa të drejtë rizgjedhje.

Neni 12

1. Zgjedhjet e studentëve shpallen nga Këshilli Drejtues i UKZ-së.
2. Zgjedhjet e studentëve mbahen brenda 45 ditësh, pasi të shpallen zgjedhjet nga Këshilli Drejtues i UKZ-së. Data e saktë përcaktohet nga Këshilli Drejtues i UKZ-së.

3. Organizatat e studentëve që fitojnë të drejtën për të marrë pjesë në zgjedhjet studentore në nivel universiteti apo fakulteti duhet të mbajnë fushatën bazuar në listën prioritare të kandidatëve.
4. Periudha e fushatës zgjedhore për organizatat e studentëve do të fillojë në ditën e shpalljes së zgjedhjeve dhe do të përfundojë 48 orë para datës së zgjedhjeve, duke e llogaritur kohën që nga ora 00:00 e ditës së shpalljes së zgjedhjeve. Zgjedhjet do të monitorohen nga Komisioni zgjedhor dhe shkeljet eventuale të rregullave zgjedhore do të sanksionohen.

Neni 13

Komisioni zgjedhor dhe komisionet e fakultetit

1. Komisioni zgjedhor duhet të themelohet nga Kryesuesi i Këshillit Drejtues brenda pesë ditëve pas datës kur të jenë shpallur zgjedhjet e studentëve. Kryesuesi i Komisionit zgjedhor merr përsipër udhëheqjen pas zgjedhjes së tij/saj.
2. Komisioni zgjedhor përbëhet nga anëtarët si në vijim:
 - 2.1. Sekretari i Përgjithshëm i UKZ-së;
 - 2.2. Një përfaqësues nga Ministria e Arsimit, Shkencës dhe Teknologjisë me kompetencat përkatëse ligjore;
 - 2.3. Nga një përfaqësues prej tri organizatave më të mëdha të studentëve, duke e marrë për bazë numrin e fituar të votave në zgjedhjet e fundit. Nëse numri i organizatave pjesëmarrëse në zgjedhjet e fundit është më i vogël se tre, atëherë në bazë të nënshkrimeve të mbledhur të studentëve për organizatën mbështetëse;
 - 2.4. Një përfaqësues i KQZ-së të Republikës së Kosovës në cilësi të monitoruesit.
3. Kryesuesi i Këshillit Drejtues duhet të dërgojë kërkesë me shkrim për të marrë emrat e nominuar nga organizatat nominuese. Sipas paragrafit (2) të këtij Neni, në afat treditor pas shpalljes së zgjedhjeve, kjo shkresë duhet të iu dërgohet së bashku me një ftesë për mbledhjen konstituive. Nominimet duhet të dorëzohen me shkrim te Kryesuesi i Këshillit Drejtues më së voni një ditë para mbajtjes së takimit konstituiv. Nominimet e vonuara nuk do të bëjnë pezullim të procedurave. Mbledhjen konstitutive e fillon kryesuesi i Këshillit Drejtues të UKZ-së.
4. Komisioni zgjedhor e zgjedh kryetarin dhe zëvendëskryetarin me shumicë votash.
5. Kryetari zgjidhet nga mesi i anëtarëve të renditur sipas nënparag. 2.1 dhe 2.2 të paragrafit (2) të këtij Neni. Zëvendëskryetari zgjidhet nga mesi i anëtarëve-studentë.

6. Komisioni zgjedhor është përgjegjës për përgatitjen, udhëheqjen dhe mbarëvajtjen e zgjedhjeve studentore.
7. Rezultatet e zgjedhjeve shpallen ekskluzivisht nga Komisioni zgjedhor.
8. Komisioni zgjedhor duhet të aprovojë rregulloren e punës së Komisionit zgjedhor, komisioneve të fakulteteve dhe udhëzimet për votim me propozim të Kryesuesit të Komisionit brenda 2 jave pas konstituimit.

Neni 14

1. Për secilin fakultet të UKZ-së, duhet të themelohet Komisioni zgjedhor brenda pesë ditëve pas themelimit të KQZ-së të UKZ-së.
2. Komisioni i fakultetit përbëhet nga anëtarët si në vijim:
 - 2.1. Nga një përfaqësues prej të dy organizatave më të mëdha të studentëve, sipas nënshkrimeve të mbledhura;
 - 2.2. Një anëtar nga stafi joakademik (në mungesë të stafit joakademik mund të caktohet staf akademik);
 - 2.3. Nominimet duhet të dorëzohen me shkrim të Kryesuesit të Komisionit zgjedhor më së voni një ditë para mbajtjes së takimit konstituiv. Nominimet e vonuara nuk do të bëjnë pezullim të procedurave.
3. Anëtari nga stafi joakademik apo akademik i njësisë duhet të veprojë si kryetar i komisionit të fakultetit. Zëvendëskryetari zgjidhet nga mesi i anëtarëve-studentë me shumicë votash.
4. Komisioni i fakultetit është i obliguar që të mbështesë Komisionin zgjedhor në përgatitjen, udhëheqjen dhe mbarëvajtjen e zgjedhjeve studentore në fakultetin përkatës.

Neni 15

1. Asnjë student nuk mund të jetë anëtar i më shumë se një zgjedhjeje apo komisioni të fakultetit.
2. Asnjë student nuk ka të drejtë që emri i tij të jetë në më shumë se në një listë të kandidatëve.
3. Asnjë student i cili/cila është anëtar i një zgjedhjeje apo komisioni zgjedhor nuk ka të drejtë të mbështesë listën e kandidatëve apo anasjelltas.
4. Të gjithë anëtarët e Komisionit zgjedhor dhe të komisioneve të fakultetit duhet të nënshkruajnë një deklaratë me shkrim, e cila përgatitet nga Kryesuesi i Komisionit zgjedhor, e cila

RREGULLORE PËR ZGJEDHJET E STUDENTËVE TË UKZ

thotë se ata/ato do të punojnë gjatë mandatit të tyre me përpikëri në mënyrë të paanshme dhe me ndërgjegje të plotë.

5. Këshilli Drejtues ka të drejtë që përkohësisht të suspendojë anëtarët- studentë të zgjedhjeve apo Komisionit të fakultetit me rekomandim të Kryesuesit të Komisionit zgjedhor, në rast të ndonjë shkelje të dëshmuar të rregullave të kësaj rregulloreje nga anëtarët përkatës. Në këtë rast pozita nuk do të riplotësohet për periudhën gjatë suspendimit.

Neni 16

1. Kryetari i Komisionit zgjedhor është përgjegjës për:

- Thirrjen e takimeve të Komisionit zgjedhor;
- Udhëheqjen e takimeve;
- Udhëzimin për procesin e vendimmarrjes;
- Përgatitjen e procesverbalit të takimeve;
- Ekzekutimin e vendimeve të Komisionit zgjedhor;
- Koordinimin e komisioneve të fakulteteve.

2. Kryetari të Komisionit zgjedhor mund t'i caktohen deri dy bashkëpunëtorë që do ta ndihmojnë në kryerjen e punëve teknike, logjistike dhe operacionale.

3. Rektori është i obliguar që të ofrojë mbështetje të mjaftueshme administrative për Kryesuesin e Komisionit zgjedhor, në mënyrë që t'i përmbushë obligimet e përshkruara nga kjo Rregullore sipas periudhave.

4. Në rast se kryetari mungon, përgjegjësitë sipas paragrafit (1) të këtij Neni do t'i marrë zëvendëskryesuesi.

Neni 17

Secila organizatë e studentëve që kualifikohet për pjesëmarrje në zgjedhjet e studentëve sipas kësaj rregulloreje, e cila nuk është e përfaqësuar në Komisionin zgjedhor apo në komisionet e fakultetit, ka të drejtë të nominojë një vëzhgues në Komisionin zgjedhor.

Neni 18

1. Në rast të dorëheqjes së hershme të anëtarëve ashtu si janë listuar, Komisioni zgjedhor duhet të kërkojë nga organizata deleguese të caktojë anëtarin brenda periudhës sa më të shkurtër.

2. Në rast të mungesës së kuorumit të Komisionit zgjedhor, për shkak të mospërcaktimit të nominimit, Kryetari i komisionit zgjedhor ka të drejtën të marrë vetë vendime.

Neni 19

1. Në komisionin zgjedhor, duhet të jenë prezent kryetari dhe së paku dy anëtarë që të ketë kuorum. Komisioni i fakultetit duhet ta ketë të pranishëm kryesuesin dhe së paku një anëtar më shumë për të arritur kuorumin.
2. Në rast se mungon kuorumi, kryetari mund të thërras një takim tjetër brenda 48 orësh.
3. Në rast se mungon kuorumi gjatë dy takimeve të njëpasnjëshme, kryetari e gëzon të drejtën e marrjes së vendimeve për temat e rendit të ditës.
4. Vendimet e Komisionit zgjedhor dhe Komisionit të fakultetit merren me shumicë votash.
5. Në rast të votimit të barabartë, vota e kryetarit është vendimtare.

Neni 20

1. Kryetari obligohet që ta ftojë mbledhjen e Komisionit zgjedhor në afatin e paraparë sipas kësaj rregulloreje, më së voni një javë pasi të njoftohen për rastin përkatës.
2. Thirrja (ftesa) duhet t'i dorëzohet anëtarëve më së voni tri ditë para takimit. Hapat e duhur të komunikimit duhet të përdoren. Ftesa duhet të përmbajë rendin e ditës.
3. Secili anëtar i Komisionit zgjedhor ka të drejtë t'ia parashtrijë kërkesën kryetarit për të bërë thirrjen e takimit, duke dërguar me shkrim një argument dhe një rend të ditës. Takime të tilla duhet të thirren brenda tri ditëve, pasi të bëhet kërkesa që është dërguar.

Neni 21

1. Procesverbali i takimit duhet të përgatitet për çdo takim të Komisionit zgjedhor dhe të Komisionit të fakultetit. Duhet të përdoret formular i Protokollit.
2. Procesverbali duhet të përfshijë një përshkrim të shkurtë të progresit të takimit dhe të vendimeve që janë marrë. Procesverbali duhet të nënshkruhet nga të gjithë anëtarët prezent të Komisionit. Në rast se refuzohet nënshkrimi, emri i anëtarit dhe arsyet duhet të jepen dhe t'i bashkëngjiten procesverbalit.
3. Të gjitha procesverbalet e takimeve nga Komisioni zgjedhor dhe të Komisionit të fakultetit duhet të ruhen nga kryetari përkatës i Komisionit zgjedhor. Nga një kopje për secilin takim duhet t'i jepet Sekretarit të Përgjithshëm të UKZ-së dhe duhet të ruhet në arkivin e UKZ-së për një periudhë prej katër vjetësh.

Neni 22

1. Takimi i Komisionit të fakultetit duhet të thirret në bashkëpunim me Kryetarin e Komisionit zgjedhor dhe Kryetarit të komisionit të fakultetit.

2. Për udhëheqjen e takimeve të Komisionit të fakultetit, rregullat përkatëse të kësaj rregulloreje për Komisionin zgjedhor do të jenë të vlefshme.

Neni 23

1. Komisioni zgjedhor ka këto përgjegjësi:

- 1.1. Përcaktimin dhe zbatimin e dinamikës së zgjedhjeve;
- 1.2. Përgatitjen e listave për zgjedhje të personave me të drejtë zgjedhjeje;
- 1.3. Vendimet rreth kundërshtimeve kundër listës së zgjedhjeve;
- 1.4. Konstatimi i numrit të përgjithshëm të mandateve;
- 1.5. Vlerësimi i listës së kandidatëve;
- 1.6. Kryesimi i procedurave zgjedhore;
- 1.7. Verifikimi i identitetit i të votuesve;
- 1.8. Konstatimi i rezultateve të zgjedhjeve;
- 1.9. Dhënia e mandatit për t'i pranuar organizatat dhe kandidatët me të drejtë zgjedhjeje;
- 1.10. Informimi i kandidatëve;
- 1.11. Shpallja e rezultateve të zgjedhjes;
- 1.12. Ndërrimi i mandatit;
- 1.13. Konstituimi i Parlamentit të studentëve;
- 1.14. Konstituimi i Këshillave të studentëve;
- 1.15. Koordinimi i Komisioneve të fakulteteve.

2. Lista e organizatave të pranura të studentëve dhe listat e kandidatëve duhet të shpallen publikisht më së voni 14 ditë para ditës së zgjedhjeve.

3. Rezultatet e zgjedhjeve duhet të shpallen publikisht brenda 2 ditëve pas ditës së zgjedhjeve. Mandatet duhet të caktohen në kohë të njëjtë.

Neni 24

1. Me kërkesë të komisionit zgjedhor, Rektori dhe Dekanët e UKZ-së janë të obliguar ta sigurojnë listën e përfundimtare të studentëve që kanë të drejtë të votojnë; më së voni 10 ditë pas shpalljes së zgjedhjeve të studentëve nga Këshilli Drejtues.

2. Studentët me të drejtë vote duhet t'i përmbushin këto dy kualifikime si në vijim:

- 2.1. Të kenë statusin e studentit të rregullt dhe aktiv;
- 2.2. Të kenë kartelën, i cili dëshmon që studentit është i regjistruar dhe e cila është e vlefshme për datën kualifikuese të zgjedhjeve, ashtu si definohet nga Këshilli Drejtues.

3. Data kualifikuese për listën e studentëve që kanë të drejtë të votojnë do të caktohet 15 ditë para zgjedhjeve.

4. Lista e studentëve që kanë të drejtë të votojnë duhet të bëhet publike dhe të jetë e qasshme për Komisionin zgjedhor brenda 14 ditëve, pasi zgjedhjet të jenë shpallur nga Këshilli Drejtues deri në 7 ditë para zgjedhjeve.
5. Brenda kësaj periudhe secili studentë ka të drejtë të ankohet kundër përmbajtjes së listës përmes deklaratës me shkrim, e cila mund t'i paraqitet Kryetarit të komisionit të zgjedhjeve.
6. Kundërshtimet kundër listës së studentëve me të drejtë vote duhet të paraqiten më së voni 14 ditë para zgjedhjeve dhe duhet të vendoset për ato kundërshtime më së voni 7 ditë para zgjedhjeve;

Neni 25

Lista e kandidatëve

1. Organizatat e studentëve me të drejtë pjesëmarrje në zgjedhje për Parlament studentor apo Këshilla të studentëve sipas parimeve të kësaj rregulloreje duhet të dorëzojnë listat e kandidatëve në komisionin zgjedhor më së voni 14 ditë para zgjedhjeve, duke përdorur Formularin e Listës së Kandidatëve, ashtu siç është paraparë nga KQZ-ja. Pasi të dorëzohet lista te Komisioni zgjedhor, ajo nuk mund të ndryshohet.
2. Secila listë e kandidatëve duhet të përmbajë:
 - Emrin e organizatës së studentëve që bën fushatë;
 - Organin qeverisës që do të zgjidhet, (parlamentin studentor apo këshillin e studentëve);
 - Listën prioritare të kandidatëve;
 - Deklaratën e marrëveshjes së kandidatëve;
 - Përcaktimi i të adresuarit të autorizuar të organizatës studentore.
3. Në rast të emrave kontradiktorë të dy apo më shumë organizatave të ndryshme studentore, Komisioni zgjedhor duhet të kërkojë nga të adresuarit e autorizuar të së cilës organizatë të përfshirë që të gjejnë një zgjedhje së paku 14 ditë para ditës së zgjedhjeve. Në rast se nuk gjendet ndonjë marrëveshje deri në atë datë, Komisioni zgjedhor duhet të vendosë dallimin e termave për secilën organizatë të përfshirë.
4. Organizatat studentore, të cilat kanë qenë të përfaqësuara edhe më parë në përfaqësimin e studentëve të UKZ-së, do të kenë të drejtën t'i mbajnë emrat e tyre.
5. Përdorimi i emrave të partive politike ekzistuese të Kosovës, si emra të organizatave të studentëve nuk do të lejohet.

Neni 26

1. Lista e kandidatëve e organizatave studentore duhet të përbëhet prej maksimumit, sa dyfishi i aq kandidatëve të numrit të përgjithshëm të po aq mandateve të lejueshme që të zgjidhet një organ (trup). Kandidatët tepriçë duhet të hiqen prej listës nga Komisioni zgjedhor.

2. Për secilin kandidatë, që duhet të përmbushë kualifikimin sipas Nenit 23 paragrafi (2), informacionet (të dhënat) si në vijim duhet të ofrohen, në mënyrë që kandidatura të jetë e ligjshme.
 - Emri (at) dhe Mbiemri;
 - Vendi i lindjes;
 - Data e lindjes;
 - Adresa;
 - Titulli i studimeve aktive-fakulteti dhe departamenti;
 - Numri i indeksit të studentit;
 - Dëshmia e regjistrimit të studentit të rregullt-vula;
 - Deklarata e miratimit (pëlqimit).
3. Kandidatët të cilët nuk i përmbushin këto kualifikime për të pasur të drejtë vote sipas Nenit 23 paragrafi (2), Komisioni zgjedhor duhet të hiqen nga lista e kandidatëve.

Neni 27

1. Prej 80% të kandidatëve të parë në listën e kandidatëve, së paku 40 % duhet të jenë meshkuj dhe 40% duhet të jenë femra; nga një kandidat nga të dy gjinitë së paku një herë në secilin grup prej tre kandidatëve, duke i llogaritur që nga kandidati i parë i listës.
2. Për detaje tjera të rregullave dhe nevojave gjinore të listës së kandidatëve mund t'i referoheni Ligjit për Barazi Gjinore Nr. 2004/2.

Neni 28

1. Vlefshmëria e listës së kandidatëve duhet të kontrollohet nga Komisioni zgjedhor menjëherë pasi të merret.
2. Në rast të parregullsive apo të metave, të cilat kërkojnë përmirësim, lista e kandidatëve duhet të kthehet mbrapa tek i adresuari i autorizuar i organizatës studentore përkatëse me shpjegimet e nevojshme për përmirësim.
3. Lista e përmirësuar e kandidatëve duhet të dorëzohet te Komisioni zgjedhor nga organizata studentore më së voni 10 ditë para zgjedhjeve.
4. Nëse lista zgjedhore apo lista e kandidatëve, e cila është kthyer për përmirësim, nuk dorëzohet brenda periudhës kohore të caktuar, kandidatura e organizatës përkatëse studentore njihet si e tërhequr.

Neni 29

RREGULLORE PËR ZGJEDHJET E STUDENTËVE TË UKZ

1. Secila organizatë studentore do të ketë të drejtën të tërheqë kandidaturën e saj apo individit-kandidat përmes deklaratës me shkrim, e cila duhet të jetë e nënshkruar nga i adresuari i autorizuar dhe udhëheqësi i organizatës studentore, më së voni 10 ditë para zgjedhjeve.
2. Kandidatura e organizatës studentore do të njihet si e tërhequr, nëse numri i kërkuar i kandidatëve sipas kësaj rregulloreje nuk është dhënë për arsye se kandidatët kanë tërhequr kandidaturën me shkrim dhe deklaratë të nënshkruar, më së voni 10 ditë para zgjedhjeve.
3. Çertifíkimi i listës së kandidatëve do të bëhet në bazë të listës prioritare të kandidatëve nga organizatat studentore.

Neni 30

1. Lista zgjedhore apo lista e kandidatëve, e cila dorëzohet jashtë periudhës së caktuar duhet të mos njihet.
2. Për vlerësimin e datës së saktë të dorëzimit, data e pullës postare apo data e dorëzimit personal do të jetë vendimtare.
3. Kryesuesi i Komisionit zgjedhor është i obliguar dhe duhet të aranzhojë në periudhën para zgjedhjeve një fushatë informuese për studentët më të drejtë vote, duke i informuar për procedurat zgjedhore. Rektorati është i obliguar të ofrojë resurset e nevojshme për një proces të tillë zgjedhor dhe të njëjtat t'i bëjë publike.

Neni 31

Mbajtja e zgjedhjeve

1. Qendrat e vendotimeve në të gjitha njësitë akademike hapen në ora 07:00h dhe mbyllen në ora 19:00h, përjashtimisht nga kjo nëse në kohën e mbylljes së vendotimeve ka radhë të votuesve, atëherë koha e mbylljes së vendotimit shtyhet deri në votimin e studentit të fundit.
2. Totali prej 12 orëve duhet të jetë në dispozicion për votim.
3. Numrin e vendotimeve nëpër fakultete e cakton Komisioni zgjedhor.

Neni 32

1. Rektori është i obliguar që të ofrojë vendotime të përshtatshme zgjedhore për mbajtjen e zgjedhjeve në secilën ndërtësë të fakultetit. Pajisjet e nevojshme, siç janë kutit e votimit, kabinat e votimit dhe pajisje tjera të nevojshme për votim duhet të ofrohen nga Rektori me kërkesë të Komisionit zgjedhor.

2. Gjatë procesit të zgjedhjeve, në vendvotime mund të kenë qasje përveç anëtarëve të komisionit zgjedhor (komisionit të fakultetit), personat si në vijim:

- Personeli mbështetës i Komisionit zgjedhor;
- Vëzhguesit zyrtarë të caktuar për zgjedhje;
- Votuesit;
- Personeli tjetër i caktuar zyrtar, përgjegjës për funksionim të rregullt.

3. Pasi vota të jetë hedhur, votuesit duhet të largohen nga vendvotimi pa vonesë.

4. Nëse paraqitet si e nevojshme për arsye të funksionimit të rregullt të procedurës zgjedhore, kryesuesi i komisionit zgjedhor (komisioni i fakultetit) do të ketë të drejtën të kufizojë qasjen e votuesve në vetëm nga një votues sipas radhës.

Neni 33

1. Secili vendvotim duhet të ketë së paku një kabinë votimi. Numri i përgjithshëm i kabinave të votimit që është i nevojshëm për secilin fakultet duhet të kalkulohet në atë mënyrë që 80% e studentëve, me të drejtë vote të kenë mundësi t' i hedhin votat pa e vështirësuar periudhën votuese.

2. Kabina e votimit duhet të vendoset në atë pozicion, në mënyrë që votuesi të mos jetë i vëzhguar nga persona të tjerë që janë të pranishëm në vendvotim gjatë procedurës së votimit.

3. Në rast se nuk ofrohen kabina të vendosura dhe të ndërtuara për votim, duhet të adaptohet një pjesë e mjaftueshme e dhomës në mënyrën e përshtatshme. Këto rregullime të përkohshme duhet të pranohen nga Komisioni zgjedhor bazuar në inspektim individual.

4. Kabina e votimit duhet të përmbajë tavolinën me ulëse të lartë apo me banak të lartë. Duhet të ketë dritë të mjaftueshme dhe duhet të ofrojë material për shkrim për të bërë votimin në fletëvotim.

Neni 34

1. Fletëvotimet e ndryshme duhet të dallohen përmes ngjyrës.

2. Fletëvotimet duhet të palosen së paku njëherë para se të hedhen në kutin e votimit.

Neni 35

Komisioni zgjedhor (Komisioni i fakultetit) është përgjegjës për mbajtjen e procedurave zgjedhore në pajtueshmëri me rregulloren për zgjedhje.

Neni 36

RREGULLORE PËR ZGJEDHJET E STUDENTËVE TË UKZ

1. Votimi duhet të bëhet në formë personale. Të verbërit, personat me aftësi të kufizuara, nga të cilët nuk pritet që të mund të votojnë në mënyrë vetanake, duhet të kenë të drejtën të zgjedhin një person përcjellës, i cili do t'i mbështetës ata/ato gjatë procedurës së zgjedhjes.
2. Përveç përjashtimit nga paragrafit (1) të këtij neni, në kabinën e votimit mund të hyjë vetëm nga një person sipas radhës.

Neni 37

1. Secili votues është i obliguar ta dëshmojë identitetin e tij/i saj para Komisionit zgjedhor.
2. Komisionit të fakultetit përmes paraqitjes së ID- kartelës.
3. Vlerësimi i pranueshmerisë duhet të bëhet ekskluzivisht në bazë të listës zgjedhore për personat që kanë të drejtë votimi.

Neni 38

1. Secili studentë me të drejtë vote duhet të dëshmojë identitetin, ashtu si u përshkrua më lart.
2. Kryesuesi i komisionit zgjedhor votues (komisioni fakultetit) ia jep në dorë fletën e duhur studentit.
3. Secili studentë me të drejtë vote ka të drejtë të votojë për:
 - a. Parlamentin studentor të Universitetit;
 - b. Këshillat e studentëve në të gjitha fakultetet aty ku ai/ajo është listuar si student/e, me të drejtë vote;
4. Kryesuesi i komisionit zgjedhor (komisioni fakultetit), drejton votuesin për të hyrë në kabinën e votimit.
5. Votuesi e mbush fletëvotimin, e palos një herë dhe del jashtë kabinës së votimit.
6. Kryesuesi i komisionit zgjedhor tërheq mbulesën e kutisë së votimit dhe votuesi e fut fletëvotimin e palosur në kuti të votimit.
7. Në rast se ndodh ndonjë gabim nga votuesi gjatë mbushjes në fletëvotim, Komisioni zgjedhor (Komisioni i fakultetit) është i obliguar të ofrojë edhe një fletëvotim për votuesin me kërkesën e votuesit. Fletëvotimi paraprak duhet të griset nga votuesi para dorëzimit në prani të komisionit zgjedhor (Komisionit të fakultetit).
8. Dorëzimi i fletëvotimit shtesë duhet të regjistrohet në protokollet e votimit.

Neni 39

1. Emri i votuesit, i cili ka hedhur votën, duhet të regjistrohet në regjistrin e votimit nga një anëtar i Komisionit zgjedhor (Komisionit të fakultetit). Formulari për Regjistrimin e Votimeve i kësaj rregulloreje duhet të përdoret.
2. Emri duhet të regjistrohet me numrin sipas rreshtit dhe me numrin origjinal të listës së votuesve me të drejtë vote.

3. Anëtari tjetër i Komisionit zgjedhor (Komisionit të fakultetit) duhet të evidentojë emrin e votuesit në listën e votuesve me të drejtë vote.

Neni 40

Mënyra e konfirmimit të votuesit bëhet nga një anëtar i Komisionit zgjedhor (Komisionit të fakultetit).

Neni 41

1. Në rast të dyshimit sa i përket identitetit të studentit, Komisioni zgjedhor ka të drejtë të kërkojë dokumente shtesë të identifikimit.
2. Nëse identiteti nuk mund të qartësohet, studenti nuk lejohet të votojë.
3. Pasi të dorëzohet fletëvotimi, asnjë dyshim tjetër sa i përket identitetit të votuesit nuk është i lejueshëm ligjërisht.

Neni 42

1. Për fletëvotim duhet të përdoret formulari i Fletëvotimit. Fletëvotimet duhet të përmbajnë informacione në gjuhët, në të cilat ofrohen studimet në UKZ.
2. Varësisht nga organi që do të zgjidhet, mund të përdoren ngjyra të ndryshme të fletëvotimeve, ashtu siç do të vendoset nga Komisioni zgjedhor.
3. Renditja e organizatave studentore në fletëvotim duhet të përcaktohet përmes hedhjes së shortit (lotarisë), e cila mbahet nga Komisioni zgjedhor.
4. Shtypja e fletëvotimeve duhet të aranzhohet nga Kryesuesi i Komisionit zgjedhor në kohën e duhur, pasi të shpallen listat zgjedhore.

Neni 43

Fletëvotimi njihet si i vlefshëm, nëse aty ka evidencë të padiskutueshme për organizatën studentore apo kandidatin, të cilin votuesi e ka zgjedhur. Ky është rasti kur votuesi markon qarkun në të majtë të emrit të organizatës së pranueshme apo kandidatit me një iks (x) apo shenja tjera të kësaj natyre, në mënyrë që qëllimi i votuesit për të zgjedhur këtë organizatë apo kandidat tregohet me qartësi.

Neni 44

1. Fletëvotimi njihet si i pavlefshëm, nëse:
 - 1.1. Përdoret edhe një fletëvotim përveç fletëvotimit të rregullt;
 - 1.2. Atëherë kur fletëvotimit i shqyhet një pjesë, në atë mënyrë që nuk do të ketë mundësi të qartësohet se cila organizatë studentore apo kandidat është përzgjedhur;
 - 1.3. Atëherë kur asnjë organizatë studentore apo kandidat nuk është markuar;
 - 1.4. Atëherë kur dy apo më shumë organizata studentore apo kandidatë janë markuar;
 - 1.5. Atëherë kur markimet apo shenjat në fletëvotime janë bërë në atë mënyrë, që nuk mund të vërehet asnjë përcaktim të një organizate studentore apo kandidat dhe nga e cila nuk mund të nxirret asnjë përfundim.
2. Fjalët, komentet apo shenjat tjera, të cilat markohen në fletëvotim, nuk e çrregullojnë vlefshmërinë e fletëvotimit, përveç nëse është e ngjashme dhe rrjedh nga rastet e renditura me lart.

Neni 45

1. Pasi periudha zgjedhore prej 12 orëve të përfundojë, Kryesuesi i Komisionit të zgjedhjeve (Komisioni i fakultetit) deklaron përfundimin e votimeve. Vendvotimi duhet të mbyllet vetëm nga anëtarët e Komisionit zgjedhor (Komisionit të fakultetit), personelit mbështetës dhe vëzhguesve, të cilët mbesin në dhomë.
2. Komisioni zgjedhor (komisioni i fakultetit) duhet t'i përziej fletëvotimet në kutinë e votimit, pastaj i zbrazë dhe i numëron:
 - 2.1. Numrin e përgjithshëm të fletëvotimeve për secilin organ të hedhura nga votuesit;
 - 2.2. Numrin e përgjithshëm të votuesve të regjistruar në regjistratorët e votimeve;
 - 2.3. Në rast të mos përputhjes së rezultateve sipas pikës 1 dhe 2 të këtij paragrafi, identifikoni arsyet e kësaj mospërputhjeje;
3. Komisioni i zgjedhor (Komisioni i fakultetit), shpalos fletëvotimet, i rregullon ato sipas organit të pranueshëm, kontrollon vlefshmërinë, identifikon fletëvotimet e pavlefshme sipas numrit të radhës dhe e përcakton:
 - 3.1. Numrin e përgjithshëm të votave të hedhura;
 - 3.2. Numrin e përgjithshëm të votave të hedhura të pavlefshme;
 - 3.3. Numrin e përgjithshëm të votave të hedhura të vlefshme;
 - 3.4. Numrin e përgjithshëm të votave të vlefshme për secilën organizatë studentore apo kandidat;
4. Rezultatet sipas pikës (3) të këtij Neni duhet të transferohen të Kryesuesi i Komisionit zgjedhor pa vonesë.

Neni 46

RREGULLORE PËR ZGJEDHJET E STUDENTËVE TË UKZ

1. Komisioni zgjedhor (Komisioni i fakultetit) duhet të protokollojë procedurën zgjedhore dhe rezultatet e zgjedhjeve në një raport. Për protokoll duhet të përdoret Formulari i Protokollit të Procedurës së Zgjedhjeve.
2. Raporti duhet të përmbajë si në vijim:
 - 2.1. Emrin e vendvotimit dhe datën(at) e votimit;
 - 2.2. Emrat e anëtarëve prezent;
 - 2.3. Emrat e vëzhguesve prezent;
 - 2.4. Numrin e saktë të fletëvotimeve të dorëzuara për secilin organ që është në zgjedhje
 - 2.5. Koha e fillimit dhe e mbarimit e periudhës së zgjedhjeve;
 - 2.6. Vendimet potenciale të Komisionit të zgjedhjeve (Komisionit të fakultetit) sa i përket lejimit apo moslejimit të votuesve për votim;
 - 2.7. Vendime tjera të komisionit zgjedhor (Komisionit të fakultetit) gjatë periudhës së zgjedhjeve (p.sh., pengimet gjatë periudhës së zgjedhjeve, votimet përmes përcjelljes mbështetëse të ndonjë personi etj.
3. Të bashkëngjiturat si në vijim duhet t'i shtohen këtij raporti:
 - 3.1. Listën e votuesve me të drejtë vote;
 - 3.2. Regjistrin e votimit;
 - 3.3. Votat e pavlefshme, të ndara, të paketuara dhe të markuara për secilin organ apo kandidat që është në zgjedhje;
 - 3.4. Votat e vlefshme, të ndara, të paketuara dhe të markuara për secilin organ apo kandidat që është në zgjedhje;
 - 3.5. Fletëvotimet e pashfrytëzuara, të ndara, të paketuara dhe të markuara.
4. Raporti duhet të nënshkruhet nga të gjithë anëtarët e pranishëm të Komisionit zgjedhor (Komisionit të fakultetit) dhe vëzhguesve. Në rast të refuzimit të nënshkrimit, arsyet duhet të regjistrohen.
5. Raporti dhe format e bashkëngjitura për procesin e zgjedhjeve.

Neni 47

1. Në rast të rrethanave të veçanta apo incidenteve përreth Komisionit zgjedhor (Komisionit të fakultetit), Komisioni zgjedhor ka të drejtë të ndërpresë periudhën zgjedhore dhe të shtyjë në një ditë tjetër zgjedhore.
2. Secila shtyrje e zgjedhjeve duhet të shpallet në publik pa vonesë nga Kryesuesi i Komisionit zgjedhor (Komisioni i fakultetit).

RREGULLORE PËR ZGJEDHJET E STUDENTËVE TË UKZ

1. Komisioni zgjedhor (Komisioni i fakultetit) duhet të protokollojë procedurën zgjedhore dhe rezultatet e zgjedhjeve në një raport. Për protokoll duhet të përdoret Formulari i Protokollit të Procedurës së Zgjedhjeve.
2. Raporti duhet të përmbajë si në vijim:
 - 2.1. Emrin e vendvotimit dhe datën(at) e votimit;
 - 2.2. Emrat e anëtarëve prezent;
 - 2.3. Emrat e vëzhguesve prezent;
 - 2.4. Numrin e saktë të fletëvotimeve të dorëzuara për secilin organ që është në zgjedhje
 - 2.5. Koha e fillimit dhe e mbarimit të periudhës së zgjedhjeve;
 - 2.6. Vendimet potenciale të Komisionit të zgjedhjeve (Komisionit të fakultetit) sa i përket lejimit apo moslejimit të votuesve për votim;
 - 2.7. Vendime tjera të komisionit zgjedhor (Komisionit të fakultetit) gjatë periudhës së zgjedhjeve (p.sh., pengimet gjatë periudhës së zgjedhjeve, votimet përmes përcjelljes mbështetëse të ndonjë personi etj.
3. Të bashkëngjiturat si në vijim duhet t'i shtohen këtij raporti:
 - 3.1. Listën e votuesve me të drejtë vote;
 - 3.2. Regjistrin e votimit;
 - 3.3. Votat e pavlefshme, të ndara, të paketuara dhe të markuara për secilin organ apo kandidat që është në zgjedhje;
 - 3.4. Votat e vlefshme, të ndara, të paketuara dhe të markuara për secilin organ apo kandidat që është në zgjedhje;
 - 3.5. Fletëvotimet e pashfrytëzuara, të ndara, të paketuara dhe të markuara.
4. Raporti duhet të nënshkruhet nga të gjithë anëtarët e pranishëm të Komisionit zgjedhor (Komisionit të fakultetit) dhe vëzhguesve. Në rast të refuzimit të nënshkrimit, arsyet duhet të regjistrohen.
5. Raporti dhe format e bashkëngjitura për procesin e zgjedhjeve.

Neni 47

1. Në rast të rrethanave të veçanta apo incidenteve përreth Komisionit zgjedhor (Komisionit të fakultetit), Komisioni zgjedhor ka të drejtë të ndërpresë periudhën zgjedhore dhe të shtyjë në një ditë tjetër zgjedhore.
2. Secila shtyrje e zgjedhjeve duhet të shpallet në publik pa vonesë nga Kryesuesi i Komisionit zgjedhor (Komisioni i fakultetit).

RREGULLORE PËR ZGJEDHJET E STUDENTËVE TË UKZ

3. Nëse periudha votuese vetëm ka filluar dhe pastaj pengohet, të gjitha veprimet zgjedhore, fletëvotimet dhe kutitë e votimit duhet të mbyllen nga Kryesuesi i komisionit zgjedhor (komisionit të fakultetit) derisa procedura zgjedhore të vazhdohet.

Neni 48

1. Shpërndarja e mandateve duhet të kalkulohet nga Komisioni zgjedhor në pajtueshmëri me rregullat e kësaj rregulloreje.
2. Për shpërndarjen e mandateve duhet të përdoret Formulari për Dhënien e Mandateve.

Neni 49

1. Rezultati i zgjedhjeve duhet të publikohet nga Kryesuesi i komisionit zgjedhor pa vonesë, më së voni deri 4 ditë pas ditës së zgjedhjeve.
2. Shpallja duhet të përmbajë:
 - 2.1. Rezultatin e zgjedhjeve në shifra, të renditura sipas organizatës studentore dhe kandidatit;
 - 2.2. Numrin e përgjithshëm të mandateve për secilën organizatë studentore të pranueshme;
 - 2.3. Listën e kandidatëve për secilin organ.

Neni 50

1. Mandatorët e zgjedhur duhet të informohen nga Kryesuesi i Komisionit zgjedhor brenda dy ditësh, pasi të jetë shpallur rezultati zgjedhor.
2. Për letrën informuese përdoret formulari për Njoftimin e Mandatarëve.
3. Mandati duhet të njihet si i pranuar, nëse mandatori nuk e kundërshton zgjedhjen e tij brenda katër ditëve, pasi rezultati i zgjedhjeve të jetë shpallur.
4. Në rast të kundërshtimit të mandatit nga mandatarin, mandati duhet t'i caktohet kandidatit përcjellës sipas listës së kandidatëve.
5. Me humbjen e statusit të studentit përfundon çdo mandat i tij/saj në organet përfaqësuese studentore. Zëvendësimi bëhet nga lista e pritjes.

Neni 51

1. Kundërshtimet kundër procedurave dhe rezultateve të zgjedhjeve të studentëve duhet të dorëzohen te Komisioni i zgjedhjeve brenda 7 (shtatë) ditësh kalendarike, pasi të jenë shpallur rezultatet e zgjedhjeve.

RREGULLORE PËR ZGJEDHJET E STUDENTËVE TË UKZ

2. Kundërshtimet për arsye të shkeljeve të rregullave të kësaj rregulloreje duhet të vendosen nga Këshilli Drejtues i Universitetit brenda dy javësh pas pranimit të kundërshtimeve.
3. Ankesat eventuale të studentëve dhe organizatave studentore ndaj rezultateve zgjedhore, shqyrtohen dhe vendosen nga Komisioni zgjedhor brenda 5 (pesë) ditësh pas pranimit të tyre.
4. Në rast se zgjedhjet deklarohen të pavlefshme, zgjedhjet e tjera duhet të mbahen dhe caktimi i mandateve duhet të suspendohet.
5. Çdo ndryshim në rezultatin e zgjedhjeve për arsye të pranimit të ankesave duhet të shpallet publikisht nga Kryesuesi i Komisionit zgjedhor.
6. Kundër vendimit përkatës të Komisionit zgjedhor dhe të Këshillit Drejtues, ankesa mund të parashtrohet në Ministrinë e Arsimit, Shkencës dhe Teknologjisë. Kundër vendimit të MASHT-it, asnjë mjet ligjor për korrigjim nuk është i lejueshëm.

Neni 52

1. Nëse zgjedhjet duhet të përsëriten për arsye të ankesave të bazuara dhe të pranuara, zgjedhjet duhet të mbahen brenda 60 ditësh, pasi vendimi të jetë i vlefshëm. Ditët e pushimeve duhet të hiqen nga ky kalkulim i kësaj periudhe.
2. Zgjedhjet nuk duhet të përsëriten gjatë periudhës së pushimit.
3. Për zgjedhjet e përsëritura, lista origjinale e zgjedhjeve dhe lista e kandidatëve duhet të përdoren.

Neni 53

Hyrja në fuqi

1. Kjo rregullore hyn në fuqi ditën e nënshkrimit nga Kryetari i Këshillit Drejtues.
2. Për të gjitha aspektet, të cilat nuk rregullohen me këtë rregullore duhet t'i referoheni Statutit të UKZ-së dhe Ligjit mbi Arsimin e Lartë të Kosovës.
3. Me hyrjen në fuqi të kësaj rregulloreje, shfuqizohet rregullorja e mëparshme për zgjedhjet studentore, Nr. 02/1188, dt. 28.09.2017.



Kryesues i Këshillit Drejtues


MSc. Ibrahim Kosumi